

# Letsatsi la Kgololesego

Connie Makgabo

Sibusiso Khumalo




---

Mo Aforika Borwa, Letsatsi la Kgololosego ke la boikhutso ka la 27 Moranang.

Kanelo e, e ka ga Letsatsi la Kgololosego.

O tlile go buisa ka hisitori ya lona, le goreng e le letsatsi le le botlhokwa.



Ka 1994, Aforika Borwa e bone kgololesego ya yona ka la 27 Moranang.

E ne e le la ntlha bantsho ba tsaya karolo mo ditlhophong tsa Aforika Borwa.

Re ne re keteka bokhutlo jwa tlhaolele mme re simolola temokerasi.



Temokerasi ke mokgwa o batho botlhe ba ka kgonang go tlhopha fa ba godile.

Ka nako ya ditlhopho batho ba tlhopha baetapele ba bona le puso.

Ka nako ya tlhaolele, puso ya Aforika Borwa e ne e sa letle batho bantsho go tlhopha.



Balwelakgololesego ba bantsi ba ne ba lwantsha pusotlhaolele.

Nelson Mandela ke molwelakgololesego wa rona yo o itsegeng thata. O ne a lwela tekatekano ya ditshwanelo tsa MaAforika Borwa otlhe.


Puso ya tlhaolele e ne ya mo golega dingwaga di le 27 ka gone a ne a lwela temokerasi.



Ka la 27 Moranang 1994, MaAforika Borwa a ne a simolola go ema mela e meleele kwa mafelong a ditlhopho go ralala naga.

Lefelo la ditlhopho ke kwa go tlohphiwang gona.


Fa re tlohpha, re kgetha batho ba re batlang ba buse.



Batho botlhe ba ne ba itumeletse go tlohpha mo ditlhophong tsa ntlha tsa temokerasi tsa Aforika Borwa.

Mela e ne ya leelefala e sa ikhutse.

Fela botlhe ba ne ba itumeletse kgololesego.




Nelson Mandela o ne a gopola letsatsi le lentle le ka kgatlhego.

O ne a sa le bale mela e meelele ya batho mo mebileng.

O ne a gopola bontsi bo bo neng bo letile go tlhopha la ntlha ba golosegile.

Megopolo e, e mo dutse tlhaloganyong.





Ke letsatsi le MaAforika Borwa a dingwaga tse 18 le go feta ba ka tlhophang.

Go ralala naga, re ne ra leta ka bopelotelele go tlhoha.

Re eme mo meleng bosigong boo, go fitlha botlhe ba fetsa go tlhoha.



Jaanong mafelo a ditlhopho a tswalwa. Ya nna nako ya go bala ditlhopho.

E ne e le nako ya go itse gore batho ba tlhophile mang go busa Aforika Borwa.


Batho ba ka nna dimilione di le 20 ba tlhophile ka 27 Moranang 1994. Re tlhophile puso e ntšhwa.



Mokgatlho wa *African National Congress* e ntse o o boneng ditlhopho tse di kwa godimo.

*ANC* e fentse ditlhopho tsa ntlha tsa temokerasi go feta!

Nelson Mandela e ne e le moeteledipele wa *ANC*. E ntse moporesidente wa ntlha wa temokerasi ya Aforika Borwa.



Puso e ntšhwa e dirile letsatsi la 27 Moranang la boikhutso gore MaAforika Borwa a kgone go keteka letsatsi le, ngwaga le ngwaga.

Re keteka temokerasi le melao e mešwa. Re keteka ka go kopanela kwa disetadiamong ka ditiragalo tse di kgethegileng. Re keteka ka go kopanela kwa disetadiamong ka ditiragalo tse di kgethegileng.

Re keteka ka mmimo, poko le dipuo.




Ka Letsatsi la Kgololesego, re tlotla balwelakgololesego ba rona.

Re keteka bokhutlo jwa tlhalele.

Re keteka gore mongwe le mongwe o na le tetla ya go tlhopho.

Re tshepisa le go netefatsa gore mongwe le mongwe o lekane, o gololesegile. Se ke temokerasi!



Ditlhopho mo Aforika Borwa di rulaganngwa ke *Independent Electoral Commission* (IEC).

Mokgatlho o, o netefatsa gore ditlhopho di “tsamaya ka tolamo.” O akanya gore se se kayang?

Batlisisa ka *Independent Electoral Commission*. (O ka buisa go le gontsi mo webosaeteng ya bona).

## —Dipotso

1. Go diragetse eng ka la 27 Moranang 1994 mo Aforika Borwa?
2. Ke mang a ka tlhophang mo temokerasing?
3. Goreng 27 Moranang e le letsatsi la boikhutso?
4. Temokerasi ke eng?
5. Ke mang moporesidente wa ntlha wa temokerasi mo Afrika Borwa?

—Dibuka tse di mo motseletseng o

- Letsatsi la Poelano
- Letsatsi la Kgololosego
- Letsatsi la Ngwao Bošwa
- Letsatsi la Ditshwanelo tsa Botho
- Letsatsi la Basadi
- Letsatsi la Badiri
- Letsatsi la Bašwa



---

Bukakanelo e, e tlhamilwe le go kwalwa ka puo ya Sepedi, e le karolo ya porojeke ya didiriswa tsa go buisa ya Zenex Ulwazi Lwethu.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA  
INSTITUTE FOR  
EDUCATION AND  
RURAL DEVELOPMENT



Room to Read®  
World Change Starts with Educated Children®

Your attribution should include the following:

Title: Letsatsi la Kgololesego

Author/s: Connie Makgabo

Translator/s: Lorato Trok

Illustrator/s: Sibusiso Khumalo


Assurer/s: Dineo Moatshe, Opelo Thole

Language: Setswana



© Zenex Foundation - Saide 2023

CC BY includes the following elements:

BY  - Credit must be given to the creator

